



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU BOŠNJAČKOG POKRETA

Broj: 03-07-6-428/20  
Sarajevo, 06. septembar 2021. godine

## S A D R Ź A J

MIŠLJENJE REVIZORA.....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole.....	4
Cilj pregleda i kontrole .....	4
Obim pregleda i kontrole.....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2.PREPORUKE .....	7

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Bošnjačkog pokreta za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2019. godinu, utvrđeno je da je Bošnjački pokret prekršio odredbe člana 5. stav (4), člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Bošnjačkog pokreta za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Bošnjački pokret se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	316,35	100,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	0,00	0,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>316,35</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>316,35</b>	<b>100,00</b>

U godišnjem finansijskom izvještaju za 2019. godinu stranka je iskazala rashode u iznosu od 296,35 KM.

## 2. PREDSTAVLJANJE POLITIČKE STRANKE

Naziv političke stranke: Bošnjački pokret. Skraćeni naziv: BP

Politička stranka Bošnjački pokret registrovana je kod Općinskog suda u Sarajevu, rješenjem broj: 065-0-F1-16-000011 od 21.08.2017. godine.

Sjedište političke stranke je u Sarajevu, Blažuj, Kovačevac 164.

Lice ovlašteno za zastupanje stranke je Sejfudin Tokić, predsjednik.

Lice ovlašteno za finansijske izvještaje za 2019. godinu je Jasmina Fetahović.

Prema podacima iz godišnjeg finansijskog izvještaja za 2019. godinu, politička stranka ima sljedeću organizacionu strukturu:

-Središnji ured.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Bošnjačkog pokreta za 2019. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Bošnjačkog pokreta obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Služba za reviziju izvršila je reviziju i pregled finansijskih izvještaja Bošnjačkog pokreta za 2017. i 2018. godinu, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama stranci.

Nakon obavljene revizije godišnjeg finansijskog izvještaja Bošnjačkog pokreta za 2018. godinu, Služba za reviziju je izdala Izvještaj o reviziji sa mišljenjem revizora, nalazima revizije i preporukama stranci da finansijska sredstva obezbijedena za finansiranje stranke koristi u skladu sa planom utroška sredstava, a za ostvarivanje ciljeva utvrđenih programom i statutom stranke, da vodi evidencije o primljenim prilozima, da poslovne knjige vodi u skladu sa računovodstvenim propisima, odnosno da vodi potpune i pravilne evidencije o приходima, rashodima i obavezama i da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom propisanom roku i popunjava u skladu sa Pravilnikom o godišnjim finansijskim izvještajima političkih stranaka. Stranci je preporučeno i da poštuje i druge propise, prevashodno poreske, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji BiH, da uspostavi upravljanje gotovinom putem blagajne i uvede obavezu vođenja blagajničkih izvještaja na dnevnom nivou uz obavezne priloge, te da poslovanje blagajne uredi tako da se razgraniče dužnosti odobravanja isplate, evidentiranja i isplate gotovine uz prethodno definisanje visine blagajničkog maksimuma.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2019. godinu, utvrđeno je da politička stranka nije ispoštovala date preporuke revizije.

#### **5. NALAZI I PREPORUKE**

##### **5.1. NALAZI**

#### **a) Bošnjački pokret prekršio je odredbe člana 5. stav (4) Zakona o finansiranju političkih stranaka<sup>1</sup>.**

- (1) Služba za reviziju je utvrdila da stranka u poslovnim knjigama nije evidentirala niti u godišnjem finansijskom izvještaju iskazala nenovčane priloge koje je primila od fizičkih lica<sup>2</sup> u ukupnom iznosu od 2.400,00 KM, po osnovu besplatnog korištenja poslovnog prostora i neplaćanja troškova električne energije, grijanja i vode u periodu od 01.01.-31.12.2019. godine, čime je prekršila odredbe člana 5. stav (4) Zakona o finansiranju političkih stranaka.

Uvidom u Izjavu vlasnika poslovnog prostora o korištenju prostora utvrđeno je da su dva fizička lica (vlasnici) ustupila stranci na korištenje poslovni prostor, površine 49 m<sup>2</sup>, bez naknade, čija vrijednost sa režijskim troškovima iznosi 2.400,00 KM.

Bošnjački pokret je korištenjem poslovnog prostora bez plaćanja zakupnine i režijskih troškova ostvario nenovčane donacije, koje je u skladu sa Pravilnikom o godišnjim finansijskim

---

<sup>1</sup> Političke stranke dužne su voditi evidenciju o prijemu članarina i dobrovoljnih priloga, te izdavati potvrde o prijemu članarina i dobrovoljnih priloga.

<sup>2</sup> Sejfudin Tokić i Jasmina Tokić, vlasnici prostora.

izvještajima političkih stranaka i Zakonom o finansiranju političkih stranaka imao obavezu da evidentira u poslovnim knjigama i prijavi u godišnjem finansijskom izvještaju za 2019. godinu.

**b) Politička stranka je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.**

Na osnovu obavljenog pregleda godišnjeg finansijskog izvještaja i dodatne dokumentacije, utvrđeno je da Bošnjački pokret nije uspostavio potpune i tačne evidencije o svojim prihodima, rashodima i novčanim tokovima, nije iskazao sve račune i nije obrasce finansijskog izvještaja popunio u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik), čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) U obrascu 2. finansijskog izvještaja (pregled prometa svih transakcijskih računa političke stranke) stranka nije iskazala tačan promet po transakcijskom računu i nije iskazala transakcijski račun broj 1994990011756513 kod Sparkasse banke i devizni račun broj 1993579981 kod Sparkasse banke, čime je prekršila odredbe člana 11. Pravilnika.

- U godišnjem finansijskom izvještaju stranka je iskazala sljedeće podatke o stanju i promet po transakcijskom računu broj: 1994990010105088 kod Sparkasse banke: početno stanje na dan 01.01.2019. godine u iznosu od 9,16 KM, promet ulaza u iznosu od 316,35 KM, promet izlaza u iznosu od 296,35 KM i stanje na dan 31.12.2019. godine u iznosu od 29,16 KM.

Uvidom u izvode koje je stranka dostavila zaključno sa danom 26.08.2019. godine, utvrđen je sljedeći promet: početno stanje na dan 01.01.2019. godine u iznosu od 0,00 KM, promet ulaza u iznosu od 316,35 KM, promet izlaza u iznosu od 296,35 KM i stanje na dan 26.08.2019. godine u iznosu od 20,00 KM.

Stranka je naknadno dostavila izvod broj 1 iz 2020. godine na kojem je iskazano prethodno stanje na računu u iznosu od 0,00 KM.

Činjenica da stranka u finansijskom izvještaju iskazuje stanje po računu na dan 31.12.2019. godine u iznosu od 29,16 KM, a da izvod broj 1 iz 2020. godine to ne potvrđuje, ukazuje na činjenicu da stranka nije dostavila kompletne izvode iz 2019. godine, i iste nije ni evidentirala u poslovnim knjigama.

- Uvidom u Izvještaj o računima pravnog lica koji se vodi kod Centralne banke BiH od 31.08.2020. godine, utvrđeno je da stranka u godišnjem finansijskom izvještaju nije iskazala transakcijski račun broj: 1994990011756513 i devizni račun broj: 1993579981 koji su otvoreni kod Sparkasse banke.

S obzirom da stranka nije dostavila izvode za navedene račune nije bilo moguće utvrditi da li je stranka ostvarila promet putem ovih računa u 2019. godini.

(2) Stranka u obrascima 3 (izvori finansiranja) i 3-e (nenovčane donacije) finansijskog izvještaja nije prijavila sve prihode, i u obrascima 4. (ukupni rashodi političke stranke) i 4.1 (režijsko-administrativni i ostali toškovi) finansijskog izvještaja nije prijavila sve rashode, čime je prekršila odredbe člana 13., 18., 21. i 22. Pravilnika.

U finansijskom izvještaju stranka nije iskazala nenovčane donacije fizičkih lica po osnovu besplatnog korištenja poslovnog prostora i neplaćanja režija u ukupnom iznosu od 2.400,00 KM. Stranka nije iskazala ni trošak zakupa i režijske troškove nastale po tom osnovu.

**c) Stranka je prekršila odredbe člana 12. stav (5) Zakona o finansiranju političkih stranaka.**

Centralna izborna komisija Bosne i Hercegovine je stranci uputila Zahtjeve za dostavljanje dodatne dokumentacije za 2019. godinu kojim je od stranke traženo da dostavi kopije izvoda sa transakcijskog računa broj: 1994990011756513 i deviznog računa broj: 1993579981 koji su otvoreni kod Sparkasse banke, a za koji je Centralna izborna komisija Bosne i Hercegovine dobila podatak iz Jedinstvenog registra računa BiH koji se vodi kod Centralne banke BiH.

Stranka nije postupila u skladu sa zahtjevima Centralne izborne komisije BiH, tj. nije dostavila traženu dokumentaciju, odnosno nije dostavila kopije izvoda sa navedenih računa, niti potvrdu banke ukoliko nije ostvarila promet po računu kako je u zahtjevu traženo, čime je prekršila odredbe člana 12. stav (5) Zakona o finansiranju političkih stranaka.

## **5.2.PREPORUKE**

*Preporučuje se Bošnjačkom pokretu da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da prijavljuje priloge, bez obzira na koji način ih ostvaruje,*
- *da uspostavi tačne evidencije o prihodima, rashodima i novčanim tokovima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja dodatnu dokumentaciju.*

### **KOMENTAR:**

Bošnjački pokret nije se očitovao na nalaze i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

Šef Odsjeka za revizijske poslove

Sanja Tošović

Revizor

Veliborka Kenjić

Šef Službe za reviziju

Mr.sc Hasida Gušić